

中華民國九年一月

眾議院公報

第二期臨時會第五冊

衆議院公報第二期臨時會第五册

目錄

●第二期臨時會閉會紀事

主席閉會詞

大總統頌詞

國務總理頌詞

●議事錄

第二十四次會議 九年二月六日

不足法定人數延會

●速記錄

第二十四次速記錄 九年二月六日

●提議案

大總統提交馮前代大總統逝世應舉行國葬典禮徵求同意案

大總統提出擬改以各省區未經抵押之貨物稅收入作爲八年公債擔保請迅速核

議案

●質問書

議員杜惟儉質問教育當局失職政府何不速予罷免書

議員王毅質問各省沙田局經院決議裁撤政府何以延不實行書

議員翁恩裕質問日人在奉天安東縣屬六道溝地方設立製藥會社陽稱開鑛陰造

軍械政府有無察覺及能否取銷書

議員瞿雲岫等前此提出質問商人徐智本等呈請開闢商港一案久未答覆特再質

問書

●查辦案

議員宋振聲等對於簡任大員貪暴執法已殃民提議查辦以清吏治而肅官常案

●請願書

順直省議會對於現行鑛業條例請願本院提出修改書

●公文

●咨

咨大總統議員杜惟儉等質問教育當局失職政府何以不速予罷免文

咨大總統議員王毅等質問各省區沙田局經院決議裁撤政府何以延不實行文

咨大總統議員營雲岫等前提質問商人徐智本等請開商港一案政府延不答覆文

國務院咨覆議員葛夢樸等質問江蘇屯案從前未依部章辦理核與現行升科辦法

抵觸有無救濟文

國務院咨覆議員沙明遠等質問政府對於各校教職員停止職務之舉動宜如何維

持文

國務院咨覆議員黃家璘等質問南京造幣廠長營私舞弊部局擬作何辦法文

國務院咨覆議員楊毓達等質問政府對於隴海鐵路東段有無籌款興築計畫文

國務院咨覆議員譚澆等質問政府對於豫秦鐵路有無籌備進行辦法暨洛潼鐵路一段

確定何時開工文

國務院咨覆議員鄭蕪等質問俄國破壞我國吉黑江防砲擊我國巡艦商貼政府交

涉有無結果文

大總統咨稱八年度預算未公布以前所有按照預算增支數目歸入八年度決算案

內辦理由公布之日起按照預算數目實行文

●函

外交部送萬國議院商業委員會來函係關於第六次大會請派員列席並擬請兩院組織同式之商業委員會函

外交部送國際商業學院法規函 附錄國際商業學院法規

外交部請將議員商業團選派各代表銜名電示巴黎函

●電

甘肅張督軍廣建轉到川邊鎮守使陳退齡籌備邊防情形兩電

甘肅省議會稱英使在京會議破壞印藏條約請政府嚴詞拒絕電

議員金明川稱在籍患病請續假三星期電

議員黃靈兩稱伊叔病篤能否展假電

議員黃靈兩請電示開會日期以便來京電

議員告假錄

◎第二期臨時會閉會紀事◎

●主席閉會辭

維中華民國九年二月十日爲本屆臨時會閉會之期羣賢畢集音樂鏗鞳卓哉煌煌燦燦乎隱隱誠盛典也竊嘗聞之財政爲立國之本預算乃財政之郛此所以泰東西立憲諸邦莫不以預算爲國家惟一要圖卽莫不以預算爲國會最大職責顧我民國當二年五年之間政府縱一再提交國會終未經議決坐令整飭無方困窮益烈財政之紊奚啻亂絲財源之枯竭如竭澤不徒與陳蕃庫空之慨抑實有周赧臺避之憂斯固朝野上下所灼知而不庸或諱者茲幸我同人蒿目時艱熱心國事本惜陰之旨戒愒日之思審慎周詳尅期議決遂將民國八稔以來懸而未斷之預算案完全成立於是歲出無冗濫之弊歲入酌苛細之虞國民知負擔眞因政府有遵循正軌畧盡代表人民之責發揚監督政府之權我儕立法機關庶可告無辜於國民當此仔肩暫息之時用敢敬謹擇言以進倘亦我同人所皆援爲欣幸而鑿鼓軒舞者歟

●●大總統頌詞

本屆國會因制定八年度預算乃有臨時會之召集誠以經國制用本計所關在東西先

進各邦罔不注意於此民國肇造百端待舉而正式預算尙付闕如其何以振挈政綱綱繆國計茲賴諸君子同心戮力俾底於成本大總統實深欣幸惟是節用與愛人並重古之言裕國者務財而外亦並及訓農通商惠工方茲民生凋瘵百業窳滯及時而言政要殆非勤求實業難言挽救諸君子皆濟時之彥擘畫有素轉瞬第三期常會行且開幕望益紆籌策共圖匡濟國家前途之幸本大總統亦與有榮施焉值茲臨時會閉會之期敬進一言爲諸君頌

中華民國九年二月十日

●國務總理頌詞

今日爲第二屆國會臨時會閉會之日 雲鵬等躬與盛典曷勝欣幸竊維國會諸君子自上年三月本屆常會開幕至八月甫行閉會此數月中關於國計民生之重要議案或共同討論或逐加審查賢勞已云極矣乃以預算案尙未議決復於九月召集臨時會廣續闡議以期此案之完成其體國公誠不辭辛瘁已足令人欽服無量而爾會以來竟能於最短期間內將八年度預算案完全成立諸君子之盡心職務無負國民委託尤爲吾邦士庶所交相傾佩而銜戢靡忘者誠以預算一事匪惟確定國家財政之出入實關係人

民負擔之重輕議會既爲人民代表則議決預算爲其唯一之要務在東西各先進國歲出歲入釐有常經議院之審決預算固無足異不幸吾國多故國會再躋以致民國肇造有年而迄未正式成立之預算案此次諸君子上衡國勢下揆輿情統顧兼籌以奏空前之偉績豈僅兩院同人之幸國與民亦將並蒙其庥而雲鵬等位備中樞且得有所專注舉以措施百政其獲並更非淺鮮抑以諸君子之熱心毅力碩畫宏猷知他日常會重開必然有以匡襄政府鞏固國家也特貢一言以爲之券

中華民國九年二月十日

衆議院公報第二期臨時會第五冊

第二屆臨時會附會紀事四

四

◎ 議事錄 ◎

衆議院臨時會議事錄 第二十四號

中華民國九年二月六日下午一時振鈴

本日議事日程如左

衆議院議事日程 臨時會第
二十四號

中華民國九年二月六日(星期五)下午一時開議

一 民國八年公債條例案(大總統提出)二讀(延前會)

二 國葬前代理大總統馮國璋咨請同意案(大總統提出)

議長王揖唐請假副議長劉恩格主席

主席議員不足法定人數

主席宣告展長時間

展長時間已滿二時出席議員仍不足法定人數

主席宣告延會

時下午二時

衆議院公報第二期臨時會第五冊

議事錄二

◎速記錄◎

●●衆議院臨時會第二十四次會議

中華民國九年二月六日下午一時開會

副議長劉恩格君主席

主席 現在在場議員不足法定人數宣告延長時間三十分鐘

主席 現在在場議員仍不足法定人數再宣告延長時間三十分鐘

主席 現在法定延長時間已屆查簽到議員一百六十七人在場議員三十九人不足

法定人數宣告延會

時二時三十五分

◎提議案◎

●●大總統提交馮前代大總統逝世應舉行國葬典禮徵求同意案

大總統爲咨行事

馮前代大總統有殊勳於國家茲於八年十二月二十八日逝世應舉行國葬典禮以昭

崇報相應依法咨行

貴院徵求同意卽候核議見復可也此咨

衆議院

國務總理靳雲鵬

中華民國九年一月十二日

●●大總統提出擬改以各省區未經抵押之貨物稅收入作爲八年公債担保請迅速

核議案

大總統爲咨行事據國務總理呈前准財政部咨呈八年公債一案擬改以全國所得稅收入爲担保請咨催國會速將所得稅施行條例議決以便公布等情當經呈請咨行衆議院提前議決在案茲復准該部咨呈內開案查八年公債一案前經提交國會規定以

全國田賦收入作爲擔保嗣開國會有擬改以鹽餘或關餘作爲担保之說當經本部以關鹽兩項盈餘有關外債改以所得稅收入作爲担保於上年十二月間咨呈貴院請轉催國會將所得稅法案即日議決公布施行等因在案茲查所得稅一項辦理手續甚爲繁難籌備需時而公債之發行勢難再緩經本部一再籌議擬改以各省區未經抵押之貨物稅收入作爲前項公債担保以昭核實請轉咨國會從速審議等語呈請轉咨前來相應咨請

貴院迅速核議辦理可也此咨

衆議院

國務總理靳雲鵬

中華民國九年一月十四日

◎質問書◎

●●議員杜惟儉質問教育當局失職政府何不速予罷免書

爲質問事查此次北京教職員因教育當局措置乖方羣情激憤停止職務幾近三旬數萬學子同時失業北京教育頓呈破裂狀況近且各省學校相繼停課以爲聲援而教育當局對此既毫無處理能力復不知引咎辭職以致教育前途根本搖動情勢極形危險今雖教職員信仰政府有維持教育之誠意暫行照常上課然迄今政府對於羣不信任之教育當局尙未予以免職人心惶駭仍復激切異常若不從速解決恐將息之學潮重起風波國事紛紛伊於胡底議員等以教育事業係國家之命脈而教育當局尤爲人民之表率現教育次長代理部務獄案措施失當違反輿情乃又戀棧不去甘作公敵政府何不速予罷免以重公論而維教育謹依院法提出質問請卽迅予答覆

提出者 杜惟儉

連署者 沙明遠 張恩綬 黃秉鑑 葉雲表 劉樹棠

崔雲松 謝鴻燾 李蘊華 王毅 林卓

杜棣華 陳爲銚 張濂 周祖瀾 汪然

中華民國九年一月十九日

●●議員王毅質問各省沙田局經院決議裁撤政府何以延不實行書

爲質問事查各省沙田局前由本院議員光雲錦提議裁撤當經兩院先後可決已於八年七月咨達政府在案現時經半載竟有未見實行查江蘇沙田局局長劉煥至今供職如故未免玩視法案卽有經管未完事件限期三月當可收束何得延擱半載議員等爲尊崇院議起見合依法提出質問請於三日內明白答覆

提出者 王 毅

連署者 廖名縉 黃家璘 陳蓉光 張 欽 羅正緯

楊 岳 湯用彬 吳劍豐 郭景岱 賀獻冕

何海鳴 張匯泉 王 珍 汪立元 王葆翬

饒孟任 王立廷 武繩緒 符定一 季龍圖

史作鑑 羅正緯 聶 蠡 賈庸熙 王恩澍
郭光烈 瞿雲岫 姜周輔 李步雲 呂慶圻
張佐漢

吳德潤

中華民國九年一月二十三日

●●議員翁恩裕質問日人在奉天安東縣屬六道溝地方設立製藥會社陽稱開礦陰造軍械政府有無覺察及能否取消書

爲質問事適聞奉天安東縣屬六道溝地方有日人在此設立製藥會社究其內容實係專製軍械而爲兵工廠之變相當經奉天張巡閱使飭令安東道尹向其交涉阻止去後旋據該道尹復稱此案已與交涉經日領照復內稱該製藥會社所製之藥專爲製造礦山而設曾經貴國官憲發給護照允行在案當即調查此項護照乃係上年八月由外交部接日使照會予以核准咨請稅務處飭關驗放有安東關原案可查云云聞之不勝駭異查安東縣屬六道溝地方本係我國領土斷無容認外人在此設立兵工廠之理此等應付直與藉寇兵而齎盜糧相去一間後患何堪設想不審政府何故出此此其應質問者一外人向來交涉無不外假美名內具惡意陽託於誠陰售其欺當局一不加慎罔不墜其術中及議修正困難萬端卽如此項製藥會社何嘗不以製礦爲名乃查其實際則係製造違背公法之軍械品非會社眞兵工廠耳政府何以未能預燭其奸率予核准是

否當局爲其所愚此其應質問者二向例外國禁運入口均由各省長官各部核准放行萬無經由部咨給照准予輸入無限爆烈品不使地方長官知覺之理設不幸發生危害咎將誰歸欲維治安責將誰屬究竟外部經予核准具何理由此應質問者三該會社託名製礦今則公然製藥販賣並公然造械以備軍儲食言不信理由在彼乘此時機當局亟宜交涉取消不審政府有無此項計畫此其應質問者四特依約法十九條第九款提出質問書限政府於三日內答復此咨

國務院

提出者 翁恩裕 高清和

連署者 魏福錫 孫孝宗 金明川 董寶麟 郟克莊

孫恩溥 曾憲文 劉哲 王汝徵 逮長增

趙驥 賈明善 教德興 王文樸 李維周

趙鑛 劉振生 張文翰 文子鐸 焉伴春

劉興甲 趙仲仁

九年一月三十日

●●議員嘗雲岫等前此提出質問商人徐智本等呈請開闢商港一案久未答復特再

質問書

爲再行提出質問事竊議員前閱報載直隸商人徐智本等呈請開闢新口商港一案因內部疑竇甚多當由本院提出質問并限期答復現已月餘尙未答復到院議員等忝爲人民代表職責所在難安緘秘况近日學潮疊起無非因愛國之熱誠過當遂激而爲踰越之舉矧此事當發軔之始據順直省議會議長邊守靖報告曾與英美使有一度之接洽苟無外交關係亦不應以我國之內政而私行宣布外人種種疑團均有不能遮掩之事實可以佐証設因此發生誤會激而起抵制開港之風潮不識政府當局將用何法以制止之謹依院法再行提出質問即祈查照前次質問各款迅速答復俾釋羣疑大局幸甚國家幸甚須至質問者

提出者 嘗雲岫 武繩緒

連署者 何霽峯 陳鴻疇 郭景岱 陳善渠 張佐漢

王文芹 袁振黃 李東萊 白常文 賀培桐

王雙岐 王葆鑿 張匯泉 張 濂 聶 蠶

耿兆棟	賈庸熙	王恩澍	李綏恩	烏澤聲
吳劍豐	魏福錫	王珍	艾慶鏞	王廣瀚
曾毓煦	符定一	易克臬		

中華民國九年二月十日

◎查辦案◎

●●議員宋振聲等對於簡任大員貪暴黷法肥已殃民提議查辦以清吏治而肅官常案

爲簡任大員貪暴黷法肥已殃民提議查辦以清吏治而肅官常事竊甘肅地處邊隅向係協餉省分自光復後張世英充任國稅籌備處處長整頓收入核減支出收支竟爾適合不意近年來預算不敷一百七八十萬元雖云軍隊較前增多然加賦加稅所入逾于所出推原其故實由不肖官吏祇圖肥己不顧公益財政收入歸公家者十之三四入私囊者十之六七以致金融停滯市井蕭條實業爲之衰敝教育因之輟歇卽局外之人不忍目覩矧實受其禍者焉能緘默不言茲將劣跡最著之大員如現任青海屯墾使蒯壽樞現充籌款總辦孔憲廷卸任財政廳長袁毓馨等之事實臚列於下

(甲)蒯壽樞之劣迹

一侵吞鹽款甘肅鹽務向由商人運銷各征收局代收稅課自民國三年前壽樞充任權運局長全甘鹽務統歸華永昌仁濟和正興公之商號辦理究之甘肅並無此等商號實係該局長之私人蒯華亭石德純趙鳳巢三人所捏名義承辦查該局長承認稱花定兩

屬包規共六十萬元劃分三區由陝甘兩省擔任隴西四道華永昌認銷八萬石隴東三道仁濟和認銷十萬石陝西八縣認銷十二萬石每石計鹽百斤均以二元征稅以符六十萬元之數實則僅甘肅包出之稅已屬不貲即以華永昌論蘭山道屬轉包十九萬元甘涼道屬轉包十四萬六千元西寧道屬轉包六萬元安肅道屬轉包四萬餘元已超過兩省認納多半數以上加以仁濟和正興公等轉包則甲乙互異比較則次第遞加共計收數不下二百萬元其實報公家者不及半數至其巧立名目層層剝削濫用職權跋扈橫行猶其餘事此應請查辦者一

一乾沒罰款該局長於民國三年兼辦土藥罰款時共分三期第一期概歸征收局兼辦其時征收局共四十餘處比較七十五萬兩開辦甫兩月收數暢旺一般官吏百計鑽營不惜用鉅宗運動費遂改爲包辦照兼辦時之比較七十五萬兩增加三十餘萬兩共百餘萬兩是爲第二期自民國四年又改爲各征收局兼辦其偏僻地方仍歸包辦至五年九月合計收入仍在百萬兩以上是爲第三期合以上第一期第二期第三期收入總數統計二百餘萬兩而報銷者祇一百一十七萬有奇至對於土藥票期逾限者五倍加罰票貨不符者全數充公各屬共充公之土二萬餘兩各屬罰款五萬餘兩統計充公之土

價及被罰銀數在八十萬兩以上前後侵蝕款項至少在二百萬兩此案及侵蝕鹽款均經省議會於民國五年請願衆議院因國會解散遂致擱淺刻下該員雖脫離關係而事實具在不難水落石出此應請查辦者二

一藉端招搖該員在甘貪鄙異常劣跡昭著故被任命青海屯墾使時該處王公及甘肅省會議一致反對該員不恤人言悍然成行後又到處招搖每對人言有臨行蒙大總統面訓謂礦產純係國家專利毫與地方無涉即將來携手外人亦無不可等語其假借屯墾使希圖盜賣礦產之意顯然畢露此應請查辦者三

一虛糜公款查蕭壽樞任命屯墾使以來將近兩年並未前赴西寧正式到任乃逗留蘭州自定官制冒領巨款當此財政困難之際豈容任意虛糜此應請查辦者四

(乙) 孔憲廷之劣迹

一籌款分肥甘肅自民國二年創辦皮毛公賣及駝捐統由財政廳辦理張督抵任後將此二項劃出另設一機關名曰籌款局委蘭山道尹孔憲廷兼辦每年另支薪水四千八百元外又支勞績年金銀至數萬元之多然此猶顯見者其朋比爲奸恣意分肥實屬駭人聽聞查皮毛及駝捐之包規某處若干均有定章如某處包規一萬元商人願多出數

倍承包該局託故不肯批准而該總辦之親屬私人則以一元承包又加數倍之利轉包他商美其名曰分紅所分紅利該總辦若干家丁若干有人親眼所見近兩年如甘涼石嘴子寧夏西寧平涼等處均係轉包者此種弊竇各處調查即得真像且八年度甘肅預算籌款局祇有支開而無收入含混舞弊其情顯見此應請查辦者一

一蹂躪議會甘肅省議會於本年間第二期常會時以籌款局舞弊太深請該總辦出席質問並清算賬目該總辦出席嗾使督署衛隊分統孔某新建右軍分統宋某藉旁聽名目隨帶兵士七八十人擁入議會該會議員見來勢洶洶遂要求議長散會提案查辦後經寧夏護軍使馬福祥出而調停尙無結果夫議會爲一省立法最高機關何等尊嚴該總辦竟敢運動軍官帶兵示威其蔑視立法莫此爲甚此應請查辦者二

(丙)袁毓慶之劣迹

一擅發公債查募集公債凡屬於國家者應交國會議決屬於地方者應交省議會議決約法及省議會法均有明文規定該廳長於本年募集地方公債七十萬元並未經議會議決擅自發行勒令各縣富戶按畝攤派每洋一元收銀一兩合計浮收之數不下三十餘萬夫甘肅地瘠民貧舉國皆知該廳長官甘一年甯不知此乃利欲薰心故猶多方以

煎垂盡之災黎百計以促殘餘之生計非法營謀罔恤人言此應請查辦者一

一賄賣厘差袁毓馨自抵甘任事以來公行賄賂罔顧名譽與廳中科長陳欄狼狽爲奸竟將各縣征收按缺分之肥瘠定賄賂之多寡某日街壁忽有一紙上書聯曰陳村癩

欄字出賣厘差不誤主顧袁文敷

袁毓馨字

貪收贓款罔恤人言其額曰出賣厘差發行

所四城貼遍人人傳誦乃該廳長不知悔悟貪橫更甚朝進巨金夕得優差者不可勝數去歲陰歷四五月間有方定中張斐然者各欲謀一厘差乃託網舖街某商號向袁處運動由陳潤接洽方某出銀三千兩方言定石嘴子張目的在一南路中局詎知財廳委令下後張反得石嘴子方無名焉方聞信卽往財廳科中大肆咆哮袁陳均未敢晤面方欲赴檢廳起訴經人調說將陳潤拘押待審袁又運動當道含糊了事事實昭彰案牘具在此應請查辦者二

一携款潛逃袁毓馨長甘財廳確由前壽樞代爲運動而來其目的全在朋比分肥地方之利害不計焉省議會以財政日絀該廳長私囊日裕遂開會請出席質問乃竟趁廳壽樞來京之時自以爲孤立無援夤夜携款潛逃蟄伏京師該會電請政府嚴緝在案且該廳長之私人某某曾充秘書科長侵吞公款二十餘萬兩現存蘭省蔚豐厚通泰長兩家

有賬可查值此國庫奇窮羅掘無術之秋大宗款項竟中飽一二臧吏之手此應請查辦者三

以上三員或潛伏都門或盤踞蘭垣一人之腰纏已滿全省之金融枯竭而利心不死之蒯壽樞猶在京運動招股擬赴青海開礦名爲興利實則搜括甘人何辜遭此荼毒議員等忝列代表難安緘默謹依約法第十九條第十款及院法第四十條提出查辦案可否

候

公決

提出者 宋振聲 彭宣斌 敏翰章 王廷翰 宋 梓

馮翔瀚 侯效儒 張 超 趙國瑞 郝天章

連署者 湯用彬 張匯泉 吳 淵 徐亞屏 焉泮春

黃雲鵬 衞乃祺 康士鐸 劉映奎 李少唐

楊逢盛 吳德潤 白建勳 饒應銘 吳凌雲

王 毅 趙 鎮 羅仁博 郭景岱 武繩緒

陳鴻疇 李綏恩 易克臬 楊 潤 邴克莊

何霽峯 楊 岳 翁恩裕

◎請願書◎

●●順直省議會對於現行鑛業條例請願本院提出修正書

爲請願事竊維立法之道其始必不涉偏頗其後乃可期推行無阻苟立一法而未審國情未窺民意冒然從事徒憑學理不顧事實一旦施行未有不繁滋流弊者及流弊已滋而猶不思設法救正勢必至法之所在卽弊之所在轉得使飭法奸民因緣爲利藉法以爲護符而一般普通人民反不得受法之保護享法之利權推原禍始皆立法之不良有以階之厲也民國肇建百端待理立法之初未遑討論法之不便於民者不勝縷指其中尤與民不便者莫有逾於鑛業條例第一章第六條大別鑛質爲三類以第一類金銀寶石之貴重品而忽插入煤炭之普通品比擬既覺不倫統系斯爲淆亂此應請修改者一又查第一章第九條規定第一類鑛質無論地面業主與非地面業主以呈請在前者有優先權而第十條則規定第二類鑛質以地面業主有優先權同一採鑛手續既有不同實行遂多不便且按第一類之規定尤易繁滋流弊予人以方便之門此應請修改者又一又查第十一條規定第三類鑛質無論地面業主自行採探或租與人採探須經由地方行政長官核准細釋此項條文係爲慎重鑛權起見以最普通之鑛

質探探由須經過地方行政長官以昭慎重何以一二類之重要鑛質探探反不經地方長官核准前後既覺矛盾弊竇且易叢生此應請修改者又一又查第二章第十四條規定鑛區界限以直綫定之地中開鑛之界限以地面劃定之界限直下爲准鑛區界限如此規定其理本屬至公無如吾國鑛業舊習多以地中鑛體之大小而定如此規定反不克實行與其空談學理使法律不生効力何如勉從習慣俾人民尙可遵循此應請修改者又一又查本章第二十五條對於探探鑛者農商總長及監督署長認爲必要時均有得令地方官調查或派員查勘之規定查此項規定當以吾國鑛業開採伊始糾葛紛繁責成地方官調查或可稍資救濟無如一般探鑛者流手眼靈通多不欲令地方干涉良民之舊有鑛業者遂大受損失此應請修改者又一其餘疑點甚多未遑枚舉總之國家立法學理事實本應兼顧若徒執成文而不俯從習慣實施以後必有扞格而難行者故自鑛業條例頒布以來名爲提倡適以阻塞名爲保護適以破壞新鑛業既未啓發舊鑛業反多衰落徒使一般豪猾者流壟斷利權攘奪民利尤與民生主義大相逕庭倘再不思設法救濟勢必至失業之民多鋌而走險社會前途誠有不堪設想者爲此提出請願

書陳請

貴院希即查照提案修正咨請政府公布施行實級公誼此上
衆議院

議長 邊守靖

介紹人 賀培桐 汪鐵松 田子鵬 盧嶽 吳得祿

張佐漢 葉雲表 白常文 訾雲岫 聶靈

李東萊 張匯泉

中華民國九年二月三日

衆議院公報第二期臨時會第五冊

請願書四

二十八

◎ 公 文 ◎

● 咨

● 咨大總統議員杜惟儉等質問教育當局失職政府何以不速予罷免文

衆議院爲咨行事據本院議員杜惟儉等提出教育當局失職戀棧政府何不速予罷免
質問書一件到院查經依法有二十人以上之連署相應錄書咨送

大總統查照希即答復可也此咨

大總統

附抄質問書一件

民國九年一月二十日

● 咨大總統議員王毅等質問各省沙田局經院決議裁撤政府何以延不實行文

衆議院爲咨行事據本院議員王毅等提出各省沙田局經院決議裁撤政府何以延不
實行質問書一件到院查經依法有二十人以上之連署相應錄書咨送

大總統查照希政府如限明白答復可也此咨

大總統

附抄件

民國九年一月二十三日

●○咨大總統議員訾雲岫等質問商人徐智本等開闢商港一案政府延不答復文
衆議院爲咨行事據議員訾雲岫等提出爲商人徐智本等在直隸大清河口開闢商港
質問書一件到院查經依法有二十人以上之連署相應抄錄原書咨請

大總統查照卽希政府如限答復可也此咨

大總統

附抄一件

民國八年十二月二十九日

●○國務院咨復議員葛夢樸等質問江蘇屯案從前未依部章辦理核與現行升科辦
法抵觸有無救濟文

國務院爲咨復事奉

大總統發交

貴院咨送議員葛夢樸等爲江蘇屯案以前未依部章辦理核與現行升科辦法抵觸者

有無救濟提出質問書一件咨請答復等因查原質問書關於江蘇屯田事項係就泰興一縣而論茲就該省清理官產處辦理泰興屯田繳價情形及現在財政部所擬補救辦法逐條答復如下

原質問書第一項內稱委員周適得賄擅收屯價一千餘畝並無戶名糧名嗣委蔣炳華接辦續收繳價千畝左右並稱屯糧概由丁業完納而屯租則由朦繳之屯佃把持致丁業產權被人攘奪應否澈查或另設救濟辦法等語查江蘇屯田繳價案內坐落泰興縣境之鎮衛屯田於四年十二月間經江蘇官產處詳准最高四元八角最低一元六角五年五月間財政部據該處具詳泰屯糧由丁完田歸民執田糧分離丁民互爭繳價久懸未決酌擬以糧合田變通辦法由現戶酌貼原丁墾本部中以泰屯田糧分離既經該處擬定變通辦法姑予批准照辦嗣後迭據茅恩瀾劉維忬及江蘇省農會會長張警泰與縣農會長朱寶琛泰屯丁業代表高積昌等先後來部具呈聲稱周適將泰興屯田私賣與佃計一千餘畝及每畝浮收屯價二元三角指爲留給原丁墾本之用並稱蔣炳華擅押屯田周長貴各節均經財政部分別令行澈查本年二月間財政部據該處呈報泰屯因丁戶爭執致已定之案未能實行四月間復據呈報泰屯開辦之後繳價寥寥擬請歸

丁業繳價以田就糧無須墾本部中以該處所擬變通辦法既行之無效仍應歸丁繳價按諸糧由丁完之理較爲正當是以准其取消前案改歸丁業繳納總之泰屯繳價就案情論該處所擬辦法已一再變遷歸丁歸民政部意初未堅持最近定案准歸丁業繳價與原質問書注重丁業繳價之意正相吻合至委員周遜蔣炳華等經收屯價各有千餘畝一節財政部據本年四月間該處來呈尙謂繳價寥寥該委員等當時究係如何辦理部中始終未據詳晰呈報現在財政部又據高積昌來部具呈泰屯由佃朦激之價若何處分丁業產權若何回復等情已令仰江蘇財政廳會同官產處分別確查此項屯田已經繳價者究有若干其中由屯田或丁業承繳者各有若干及當初繳納情形畝分坐落丁佃姓名列冊呈部以憑核辦並再令該廳處將丁業完糧屯佃完租悉心籌議持平解決俾丁佃得各安生業以資救濟應俟會同呈復到部再行審核辦理

又第二項內稱因朦混營私釀成訟案未清結者應否予以相當期限俟定案後再照屯田升科稅契呈准辦法實行等語查泰興屯田繳價既因朦混營私涉訟自可俟訟案清結後再照升科稅契各項辦法辦理

又第三項內稱泰興屯佃朦繳之價可否移歸丁業酌予展緩升科年限將該屯佃所繳

之價照數折抵租錢等語查屯佃所繳之價如果有朦混情事移歸丁業自無不可至屯田繳價折抵租錢一節查屯佃對於丁業完納屯租丁業對於國家完納屯糧本有公私之別若將屯佃繳入國庫之價折抵丁業租錢不但公私混淆於事未洽即輾轉發還折抵亦屬困難且假定該處對於繳價之屯佃或竟給有部照又須追繳更換是與款項冊照均有關係溯及既往於事實法理皆多窒碍應俟所稱朦繳之屯價由該廳處分別查明呈復經部核定辦法後再將屯糧屯租以及升科稅契各就各案清釐核辦以免糾紛茲附送摘錄泰屯繳價經過始末一件以備查考相應貴院查照此咨

衆議院

附送摘錄泰屯繳價始末一件

國務總理靳雲鵬

中華民國八年十二月二十九日

●摘錄泰屯繳價經過始末

查江蘇屯田繳價於四年十二月間據江蘇官產處詳送各縣屯衛田地分區繳價等則表經部批准並飭妥訂施行細則送核原表分爲一二三三等每等分爲五則以次增減

泰興一縣列入二等區計每畝上則四元八角上中則四元中則三元二角中下則二元四角下則一元六角每則以八角遞相增減嗣以此項施行細則久未送部復於五年六月間飭催該處速送此蘇省泰興屯田繳價議辦之情形也查五年四月間據茅恩瀾等電部聲稱鎮衛屯田乞飭處令承糧業戶繳價禁止委員變賣等語經部飭處查復是年五月間又據茅恩瀾劉維忬電稱周委違章變賣屯田擅將部照填發恐釀巨案乞飭官產處秉公處分等語本部以尙未據復殊屬延緩復經電令該處先行電復以憑核辦旋據該處具詳聲明泰屯糧由丁完田歸民執田糧分離丁民互爭繳價久懸未決酌擬以糶合變通辦法由現戶繳價酌貼原丁墾本等情當以所擬解決辦法由現戶繳價與各項普通官產先儘現佃現業繳價之成例尙不相背是以批准照辦此泰屯最初歸現戶繳價之情形也當時曾據江蘇省農會詳稱泰興官產委員周濞蒞泰開辦屯田繳價並未宣布等則竟憑鄉間私過字據爲田私賣與佃訂換生泰興縣境鎮江衛田二萬七千餘畝賣去一千餘畝請如數發還照章責令現業承繳之人分等繳價等語本部當以該處前詳泰屯丁佃爭持擬令承種各戶繳價酌給屯丁墾本係爲田糧合一起見業經如詳批准現請概歸屯丁繳價應再令該處議復核奪是泰屯繳價歸丁歸民部意未嘗堅

持辦於六年十一月間據該處呈稱泰屯應給原丁墾本擬定不逾正價十分之五各紳戶以不足價契價及稅驗等損失另議貼補致案奉批准一年有餘辦法未能實行茲據泰興縣印委呈兩營佃戶代表姚潤霖等北營佃戶代表余煥文等公推周紳倚張紳之德薄紳廷鐸張紳鴻藻爲該佃戶總代表並請金紳鉞蔡紳寶善與知事協商進行方法擬在官產辦公所內附設協助清理機關當以清屯障礙不僅在原丁現戶以及全縣屯田繳價總額給發原丁墾本均應復議經處分別令遵茲據縣委復稱遵擬辦法五條並聲明除丁戶中有一二不滿意餘均一致遵辦至屯田坐落由南北各營長查明開單共田二萬九千三百餘畝較劈分辦增多一千六百餘畝將協議辦法錄摺呈請前來本部以泰屯在官產辦公所內附設協助清理機關與該處呈准太衛屯業所設繳價辦事處情事相同自可如擬辦理並令造具南北兩營地畝確數以及坐落四至清冊呈核六年十二月間據泰興農會長朱寶琛呈泰興官產沙田屯田辦事員蔣警佐丙華票拘屯佃周長貴竊押警所是月又據泰屯業丁代表高積昌等擬具權限理由等則手續四項辦法並稱前委周濠經手已繳一千四百餘畝每畝五元五角印收祇填三元二角浮收二元三角指爲留給原丁墾本之用各等語均經本部分別令行該處澈查復奪本年二月

間據該處呈報據秦興縣印委呈稱秦屯詳定由現戶繳價貼還原丁墾本嗣因丁戶爭執致已定之案未能實行旋經一再協議執有屯糧之戶置之不問似於情理稍失其平擬請另定期限准由糧戶繳價請示到處又經指令集議除丁業繳價辦法俟議妥另文呈核外請部令遵前來經部指令迅即詳細籌畫呈候核定飭遵此秦屯因繳價發生糾葛及提議由丁業繳價之情形也本年四月間據該處呈據該印委復稱秦屯歸現戶繳價開辦之後繳價寥寥此次奉令集議應請查照前擬限期歸丁業繳價惟以田就糧無墾本之可言職處復查此案既稱以田就糧無須墾本自可准各所請先儘丁業繳價以三個月爲限第一個月照原定價則南四營每畝收銀元三元二角北八營每畝收銀元二元四角第二個月加收一成第三個月加收二成均毋庸帶收墾本三個月限滿後另定辦法等語當經本部指令無須帶收墾本仍照原定價分別催繳此秦屯最後復改爲丁業繳價之情形也

●●國務院咨復議員沙明遠等質問政府對於各校教職員停止職務之舉動宜如何維持文

國務院爲咨復事奉

大總統發交

貴院咨送議員沙明遠等爲政府對於京師各校職教員停止職務之舉動宜如何維持提出質問書一件咨請答復等因茲分別答復如下

原質問書第一懷疑之點謂政府是否承認職教員之困苦爲真確之狀況以決定維持之方針查教育事業素稱清苦各校職教員之生活狀況自屬困難政府對於各學校職教員向無漠視之意上年提出之預算案關於教育經費一項比較前年度增加一百二十五萬八千三百餘元增加之數原爲維持教育事業及擴充各校職教員薪金起見嗣經國會審查結果減去二十五萬二千七百餘元是政府雖有優遇職教員之方針無如受預算限制不能達行政上之目的此答覆者一原質問書第二懷疑之點謂政府是否以索價還價之敷衍政策作目前維持之計畫查此次京師各直轄專門以上學校及公立中小學校職教員等爲中交紙幣低落要求多發現金主管機關即竭力設法允許小學教員發現金十成中學教員發現金八成專門以上學校教員發現金七成際此庫款支絀之時如此應付已屬優待並非出於敷衍至以上各項學校均係國家設立論隸屬關係本是一體教員困苦情形政府固應體恤而政府爲難狀況教員亦當諒解一再增

加亦係有不得已情形寧有視職教員爲市僧之理而作索價還價之行爲耶此答復者
二原質問書第三懷疑之點謂政府能否承認教育爲有益社會之職業速予職教員以
生活上安固之保障查政府興辦教育原爲作育人才改良社會起見詎有不承認教育
事業爲有益社會之舉至教員保障一節誠屬要圖現在教育主管機關對於優待教員
之法如年功加俸及養老金等項條例正在擬訂之中將來擬訂完竣當提交國會如能
成爲法律教職各員自得保障蓋所謂保障者應由法律賦予並非行政命令所能辦到
此答復者三以上各情相應咨復

貴院查照此咨

衆議院

國務總理新雲鵬

中華民國九年一月七日

●國務院咨復議員黃家璘等質問南京造幣廠長營私舞弊幣部局擬作何辦法文
國務院爲咨復事奉

大總統覆發

貴院咨送議員黃家璣提出南京造幣廠長營私舞弊郵局擬作何辦理實問書一件齊
請答復等因查南京廣昌鎮江同德等錢莊呈控前南京造幣分廠廠長武濬源一案前
此已由幣制局令據天津造幣總廠派遺委員查明呈復該局在案茲查原質問書所稱
各節與廣昌等錢莊呈臚列各款大致相同應卽查照該委員等呈復情形分別答復如
下

原質問書稱武濬源營私舞弊所鑄銅元質量甚輕成色不足一節據該委員等查復呈
內稱委員等親至廠內實地考查由銅元庫抽箱過磅每箱一萬枚均在一千八百兩上
下除去木箱紙色分量輕重出入不過二兩左右卽比照新幣制亦尙未出公差並據該
廠鑄造科袁科長金本面稱每日鑄出銅元於裝箱後逐箱過磅自開鑄起立有專冊存
庫按日登記可查委員等調驗屬實復至印花所抽取數枚過平每枚適合部定重量一
錢八分花紋均尙顯明惟成色是否不足據呈樣元請飭交化驗科抽驗以期核實并據
津廠呈稱已抽驗二枚一爲九零三零一爲九零四二成色較高所稱質量甚輕成色不
足等語於事實似有未符

原質問書又稱各錢莊到廠兌換銅元每銀一兩扣取銅元三枚中飽朋分一節據該委

員查復呈內稱查該廠帳目所鑄銅元均由下關鹽業鎮江交通等行運至江北行銷並有廠給起運護照存根可稽各該行購運銅元其定價每上海規元銀一兩兌銅元一八四八至一八六九不等仍隨行市漲落初非一定亦從未至一百九十枚之多委員等先後至下關鎮江會晤鹽業銀行蕭行長交通鎮行季副行長檢閱水單存根核對歷次購運數目及定價均與廠帳相符所稱招致各地錢莊到廠兌換及每銀一兩扣取銅元三枚之處自難憑信

原質問書又稱近聞有南京廣昌鎮江同德等錢莊聯名呈請派員查辦究竟財政部及幣制局造幣總廠監督對於該項公呈擬如何辦理一節據該委員等查復呈內稱委員等奉委飭查此案按照原呈逐細澈查當即訪查原呈列名之南京廣昌鎮江同德兩錢莊以期逐節面詢先至甯垣總商會暨錢業公所調查廣昌開設地址乃查閱城廂內外錢業同行名籍既無廣昌字號詢諸錢業公所亦不知有俞禮和其人當即一面函陳鈞座轉請幣制局飭查原呈有無開列地址一面查悉甯垣錢業之外尙另有錢米業名色係由米鋪兼兌換銀銅元襲用錢莊名義其實係名隸米業又查下關商業另爲一區隨又先後至米業公所暨下關商會查詢僉稱查無廣昌字號及俞禮和商人之名迨至鎮

江調查鎮市雖一隅之地而小錢莊櫛比如林交通鎮行季副行長自稱廟身鎮江錢業垂三十年無論大中小錢莊無不瞭如指掌同德查係二十年前倒閉之莊現實無此字號亦無陸樹森其人旋奉鈞函以奉幣制局皓電廣昌錢莊等原呈封皮註明南京北門橋估衣廊城中會堂對門俞禮和寄字樣轉函知照等因遵又前往所指地點訪查仍亦杳無踪跡等語各在案以上各情相應咨復

貴院查照此咨

衆議院

國務總理靳雲鵬

中華民國九年一月九日

●國務院咨復議員楊毓達等質問政府對於隴海鐵路東段有無籌款興築計畫文
國務院爲咨覆事奉

大總統發交

貴院咨送議員楊毓達等提出質問政府對於隴海鐵路東段有無籌款興築計畫質問書一件咨請答覆等因查隴海鐵路跨越四省爲中國東西交通之大幹綫凡在軌綫之

內均屬重要之區歷年受歐戰影響工程停滯經該路督辦施肇曾苦心籌畫始將西路洛觀及東路開徐各段修成通車該督辦對於未修各段原有繼續進行之計畫現在歐戰終結交通部已呈明派該督辦親往比國與比公司商議續行發售債票各辦法俟其商定返國即可決定修築相應答覆

貴院查照此咨

衆議院

國務總理靳雲鵬

中華民國九年一月十四日

●●國務院咨復議員譚湛等政府對於豫秦鐵路有無籌備進行辦法暨洛潼鐵路一段確

定何時開工文

國務院爲密咨事奉

大總統發交

貴院咨送議員譚湛等爲政府對於豫秦隴海鐵路有無籌備進行辦法暨洛潼一段確定何時開工實問書一件咨請答復等因茲分別答復如下

原質問書內稱隴海鐵路與比公司借款合同原限五年工竣因歐戰展緩期限早逾現時歐戰業已終結債票能否繼續發售抑該公司仍行照舊墊款究竟政府對於該公司如何交涉以期此路速辦不致經久擱置一節查隴海鐵路自歐戰以來工程停滯歷年經該督辦施肇曾籌畫進行除東路開徐一段通車西路則築至觀音堂爲止現在歐戰終結和議告成該路亟須設法繼續興工迭經交通部督飭該路施督辦向比公司籌商續行發售債票各項手續嗣得比公司最後答復須該督辦親往比國面商是以由交通部呈明派該督辦前往比國商辦已據呈報起程俟該督辦到歐商定辦法返國當可興工此應答復者

原質問書又稱比公司前後墊借款項共計一萬萬二千萬佛郎又五百萬元得於路工者不過英金一百五十餘萬磅餘款除付息及酬金外全歸無着就令政府另有用途或作爲縣欠而路工需要豈容長此挪移究竟政府對於指路所借之款如何查核能否設法撥還以速該路進行而全外人信用一節查政府與比公司訂立隴海借款合同之後曾於民國元二年由比公司付過兩批墊款五千萬佛郎嗣於發售該路第一批債票一萬萬佛郎內將墊款扣除因墊款一項本爲備付政府籌辦該路之用當時政府以另有

政務要需就前項墊款內挪作他用其以第一批發售債票之一萬萬佛郎僅有一百四十餘萬磅用於路工查前項政府挪用之款因對於關係曾經另行造賬報銷有案此爲政府不得已之苦表現在財政困難既屬無款撥還且業經報銷之款似亦未便撥還至交付於路工所用之款均有洋員稽核用途無照鐵路會計則例隨時報部查核對外尙足維持信用此應答復者二

原質問書又稱該路洛潼一段比較徐海爲重要政府對於該段有無進行辦法確定何時開工一節查隴海鐵路爲我國東西幹線之一凡在路線之內均屬重要之區惟洛潼段工程最爲艱鉅如能將該段鐵路修通則由西展築自易成功該路督辦計劃原擬與比公司商議續行發售債票辦法安定後即將東西兩路同時興工此時該督辦甫經出洋應俟事竣返國方能決定開工之期此應答復者三

以上各節相應密行咨復
貴院查照此咨

衆議院

國務總理靳雲鵬

中華民國九年一月十五日

●●國務院咨復議員鄭蕚等質問俄國破壞我國吉黑江防砲擊我國巡艦商船政府

交涉有無結果文

國務院爲咨復事奉

大總統發交

貴院咨送議員鄭蕚等提出俄國破壞我國吉黑江防砲擊我國巡艦商船政府交涉有無結果質問書一件咨請答復等因查上年七月間吉黑江防艦隊將由海參崴駛赴防次先數日曾由林代將建章通知各國艦隊俄國海軍司令部暨俄遠東代表霍爾瓦特並請轉電俄屬廟街地方官查照各在案詎霍代表忽到劉公使處抗議同時駐京俄使亦備文到外交部抗議經外交部暨劉公使據約駁復並飭由駐鄂木斯克范總領事向鄂政府交涉各方一致進行幾於舌敝唇焦迄無效果嗣准劉公使電告在歲交涉情形並稱此事經竭意籌思擬向各國代表陳述顛末冀得助力節經外交部分向英美法日各國駐京公使備述派艦理由請其代向鄂政府疏解詎各公使多持中立態度未能切實協助該艦隊因在達達島困守日久糧煤接濟不易不得已逕行上駛將抵俄屬伯利

地方突遭俄軍砲擊外交部聞信即向俄使提出抗議並要求鄂政府將肇事軍隊調遣他處立允華艦前赴松花江防次未准答復又經繼續提出嚴重抗議並告以鄂政府如無切實答復中國政府當籌相當對待辦法等語又駐巖李高等委員駐鄂范總領事亦經分向俄代表俄政府交涉在彼迄未退讓至俄匪襲擊戊通公司商船一事亦經外交部迭次向俄使質問並要求賠償仍未准復總之茲事發生後政府業經異常注意交涉案牘積至盈尺班班可攷惟俄亂正熾駐京俄使更毫無權能空言交涉無裨實際時會所迫無可如何現據李高等委員來電稱正與俄代表方面竭力交涉以期達到目的等語一面並聲言將由東三省毗連俄境各地方禁止糧服運赴俄境俾促其反省此政府辦理此案之大概情形也相應咨復

貴院查照此咨

衆議院

國務總理靳雲鵬

民國九年一月十九日

●●大總統咨稱八年度預算未公布以前所有按照預算增支數目歸入八年度決算

案內辦理自公布之日起按照預算數目實行文

大總統咨文一件

大總統爲咨行事據國務總理靳雲鵬呈據財政部咨呈內開查八年度預算全案業經國會議決於八年十二月二十八日奉令公布在案惟八年預算年度係自八年七月一日起至九年六月三十日止而八年度預算於八年十二月二十八日始行公布其在預算未公布以前京外各機關應支經費多照原定數目開支事隔數月礙難追減按照法律不溯既往擬將京外各機關八年度應支軍政各費在八年十二月二十八日預算未公布以前所有按照預算增支數目均作爲溢支之款將來歸入八年度決算案內辦理自公布之日起按照公布預算數目實行等因經國務會議議決照辦仍請咨明國會以符法案等語相應依照約法第十九條咨達

貴院查照辦理此咨

衆議院

國務總理靳雲鵬

中華九年一月二十六日

衆議院公報第二期臨時會第五冊

公文二十

四十八

●函●

●外交部送萬國議院商業委員會來函係關於第六次大會請派員列席並擬請兩院組織同式之商業委員會函

逕啓者前准駐比魏公使來函抄譯第五次萬國議員商業會與會名單暨議決各案到部於上年十二月十八日函送

貴院查照在案茲又准該駐使函關據萬國議院商業委員會書記長面稱明年第六次大會在法國上議院開會希望中國派人列席倘中國議院能如各國組織一同式之商業委員會尤爲欣慰云並面交致總長函一件查比法各國議院皆有一商業委員會英國此項委員在二年以前卽爲有力之機關每遇大會卽派該會委員前往與會此種會議目的在設法統一世界各國關於商務之法令俾彼此商業易於發達國民在外之商務利益易於保護關係實爲重要故各國議院皆在議院主要人物中擇其富於商務政治經驗者選派此項人員現在歐戰方終各國皆以全圖謀經濟之發展吾國地大物博尤爲各國所注意若不先事籌畫不獨商務受其影響卽國際地位亦頗有妨碍也茲將原函及附件寄奉覽閱等因除將來函譯漢并該項附件一併函送參議院外相應函達

順訟

議祺 附函件各一

外交部啓 一月七日

照譯萬國議院商業委員會會長來函

八年十月二十五日

外交總長鈞鑒查萬國議院商業委員會定於明年五月一日起在巴黎上議院開第六次大會擬請

貴總長轉咨

貴國參衆兩院院長派員列席并請將會員名銜於明年三月間抄交巴黎委員會是爲至感再中國議院能爲他國組織一同式之商業委員會尤爲欣慰專此布達敬頌
助安

●●外交部送國際商業學院法規函

逕啓者前准駐比魏公使函開萬國議院商業委員會第六次本年在法京開會並附函件到部業於一月七日函送

貴院查照在案茲又准該駐使八年十一月二十五日函稱據比京萬國商學院來函本

年十月初八日在法國上議院開萬國議院商業行政會議決在比京設一萬國商學院請中國贊成加入等語茲將原函及院章寄請核辦等因除將該項院章譯送參議院外相應函達

貴院查照順頌

議祺 附件

外交部啓 一月二十八日

●●國際商業學院法規

國際議院委員商業會議專任委員會於一九一九年十月八日在巴黎上議院閉會

第一條 依國際議院委員商業會議第五次大會之決議受比國元首之維護及國際議院委員商業會議常設事務所之監管設立一國際商業學院於比京

第二條 國際商業學院之目的爲收集整理刊行及報告關於商業統計商業法律及通商條約之材料期於敏捷其費公共担任

第三條 國際商業學院內分設第一第二國際事務兩局

第四條 除各國刊行商業統計外第一局應根究公共彙纂彙集進出口商品定一限制之數並詳註其價格及重量編造統計一冊其採用之公共彙纂即附入於一九一三

年十二月三十一日伯盧克薩協議內者並刊行保險統計各貿易場各商埠運水脚及貨物價值變遷統計及關於一切財原及交易發展大概之統計

第五條 第二局應譯刊各國商業法律及關於法律或行政法中之修改條款並譯刊通商條約及條約中修改條類

第六條 與會各國應供給學院種種有益之材料俾院中兩局得以辦理共同事務

第七條 應刊各件須用數種文字於國際商業統計事務所編之統計月刊內及國際商業立法會所編之商業法令月刊內發布之

第八條 本學院受國際議院委員商業會議專任委員會之最高監管因該會產出之常設事務所承該會之監督故也

第九條 以國際商業會議常設事務所之委員一人爲學院長領袖本院

第十條 兩局辦理專門及行政事務受責任局長之監督局長承本院長之命有管理職員之權

第十一條 本學院之職員由院長擬請常駐事務所派充

第十二條 各職員分任事務及其薪資亦由院長擬請常駐事務所規定

第十三條 學院經費由與會各國担任之

第十四條 與會各國公平分任學院經費以各國商業之關係規定單位計分四等每單位爲二千五百伏郎

第一等 四百萬法郎以上者十單位

第二等 三百萬至四百萬法郎者六單位

第三等 一百萬法郎以上者四單位

第四等 一百萬法郎以下者二單位

第十五條 與會各國之會費應在每次開始辦事第一季內以此國之內通用之貨幣交付之

第十六條 在本學院成立時未經參與之國得以單純請求書請求加入

一 候允准加入對於本法規當然依照但其效力之發生當在加入後第一年一月一日起

第十七條 本法規於一九二十年一月一日開始實行其實行期爲六年及至第六年十二個月內無廢止之宣告應再繼續六年以後每六年爲一期

第十八條 任何一國脫離協議關係者應失去其在公產內共同所有權

第十九條 如有解散情事其公產應依照本法規第十四條所載各國所担任經費之比例在解散時與會國中勻攤之

第二十條 在本預算年度內如有贏餘應移入於下年度內作爲公積金以有未經列入預算之用除

第二十一條 關於本學院之財政處理及辦事進行每年應報告於國際議院委員商業會議長任委員會並由院長報告於與會各國

第二十二條 本學院之運用由內部章程規定之

第二十三條 如有未經議及之問題應由國際議院委員商業會議長任委員會解決之

國際議院委員商業會議長任委員會有三分之二委員投票取決修正本法規者得修改之

惟修改之提案應在開會三個月前提出者國際議院委員商業會專任委員會得處理之

●●外交部請將議員商業團選派各代表銜名電示巴黎函

逕啓者據駐比新秘書電稱萬國議員商業會曾經去年十月間函呈大部請轉達兩院在院組織議員商業團并就中選派代表兩人充當該會總幹事部常川幹事原函已呈閱在案今以第六期大會將於五月初旬在巴黎舉行該會長又函請速將常川幹事兩人銜名電示查此項常川幹事協約國及日本均已派定其性質係名譽幹事無須常駐歐洲與參預大會代表不同等語查此事迭准駐比魏公使函開該會第六次本年在法京開會並附函件暨函送萬國商學院章程等項節經本部譯送貴院查照在案茲又據電稱前因除轉達參議院外相應函請貴院查照辦理見復以憑轉復爲盼順頌
議祺

外交部啓 月九二日

●●電

●●甘肅張督軍廣建轉到川邊鎮守使陳選齡籌備邊防情形兩電

北京大總統暨國務院鈞鑒陸參外交各部蒙藏參衆各院均鑒頃接川邊鎮守使陳選齡有電開北京大總統國務院外交部鈞鑒頃奉到藏案紀略查閱第四項裁邊藏軍隊轉戰不休劉分統與噶布倫請台副領事調和停戰云云查台副領去歲當藏番入寇時潛行出關從中播弄虛喝劉分統訂合同十三款齡當拒絕否認並申飭劉分統在案又查昌都私訂合同之日正該番進攻絨壩否與我軍激戰之時於果此項合同生效何以議定後彼此尙未停戰不待明辨至我軍在絨作戰迭獲勝利台領懼藏番失敗由昌都折至前線再三要請停戰時因後方劉成勛侵我雅防糧斷彈絕不能乘勝長驅至今引爲深憾不得已暫爲委蛇訂停戰退兵條件四條亦只認台副領爲証人曾迭次文電呈明應請檢閱選齡先後所呈暨輿圖自得真相至英使欺朦之詞萬勿聽信再瞻化并未失守合併聲明餘飭代表陳啓圖李國屏面呈川邊鎮守使陳選齡叩有印等因謹電代陳伏祈鈞鑒訓示張廣建叩養印

●●其一

北京大總統暨國務院鈞鑒陸參外交各部蒙藏參衆各院鈞鑒頃接川邊鎮守使陳遐齡有電開北京大總統國務院陸參外交各部蒙藏參衆各院鈞鑒十月議日西寧專差遞到甘肅張督九月江電轉奉院參陸部八月養電敬悉自當謹遵惟選齡管見所及并現在大概情形不能不爲我大總統部院縷陳之

(一)邊藏界線原有定案案查前奉部電英人提議率皆恫喝欺朦茲又阻我進兵暗傾藏番乃正積極準備其用心已可概見至於界線已函懇萬勿承認倘隱忍定議卽成鐵案藩籬永失貽患無窮選齡忝膺邊寄誓雪國恥一年以來屢懇籌備殊料迄今款彈一無所有言之痛心然邊藏問題舍兵力仍無解決之方現在停戰期滿籌備亦嗟不及與其坐以待斃何若於不及籌備之中仍急爲籌備之計尙可望補救於萬一查藏番運道較我尤遠惟此次英副領事慶路易出關實用隱憂彼蓋悉我國情必力爲藏番主持已特派財政廳長陳啓圖兼程進京面陳一切萬懇俯准選齡迭次所請飛速籌備總以兩月內實行運解大批款彈到邊並電甘滇兩省分道進援國防關系張唐兩督必能協力一致似此齡當前驅策飢軍買其餘勇如一年內不能完全恢復甘以全家坐罪至於英使交涉須聲明我國自平內亂與人無涉或仍虛與委蛇聽齡進行待失地一復界線自

解如再遷延挽救真無術矣將來勞師費餉百倍今日即有力對藏恐無力對英也言念及此五內如裂如欲和議之不失敗必恃先有準備以爲後援不從正當防禦上計劃始終阨守原防苟延時日待彼籌備已週無論和議如何讓步終不能壓其所欲彼肆其猖獗我則束手齡窳危之有強權而後有公理此古今世界之定論如不蒙俯念愚忱齡惟
有先事仰懇我大總統早揀賢員來邊接替齡當縛來京受政府之顯戮不願受人民之痛罵也

(二)川督對邊事實歷歷可考齡與熊氏素無睚眦之嫌凡所爭論無非爲國防起見惟現已八閱月未見川中分粒彈顆米寸縷濟邊乃熊氏屢電中央自欺欺人貽誤國防罪實難道遐齡前以邊事危急通電宣布意存忠告乃熊不知省悟辱齡去使促齡離邊隨派劉王各軍甘冒不韙分道寇邊經我軍死力抵禦相持榮漢間者月餘計不得逞復改用其上年逼侵雅防之故智又以三萬元爲交換榮漢地方之條件并允實行其上年所許接濟伙食軍米等語以相誘齡因外侮之急且知邊去京遠縱有接濟火近水遠萬難濟事故仍推誠答復並剴切以邊事危迫告熊欲其籌備臨時經費大宗糧彈尅日運邊失之東隅尤冀收之桑榆復聲明雅防爲邊地糧源榮漢爲運輸要道自上年雅防護後

我軍僅賴糶把糊口經年未得一飽如熊果能實行接濟齡亦何爭於榮漢其所以不惜委曲求全者無非欲爲國防多支一日勉復寸土外可以雪國恥內可以對國人然熊疑忌性成目光如豆決非顧念大局之人如中央欲責成熊氏卽請明令准齡歸田飢軍退伍免因熊誤齡因齡誤邊也總之邊事始末遐齡呈報久電盈尺上年八月絨壩番與番激戰二十餘晝夜敵已不支適因不顧大局之劉成勛乘機侵我後方雅防以致糧斷彈竭不能乘勝長驅無已暫作停戰待援之計期以一年原聲明邊與藏之存亡勝負視後方接濟之多寡遲速齡愚以爲川邊雖屬窳遠然以六月籌備四月運輸尙餘兩月從容佈置進行恢復如左券之可操詎呼籲已淚盡聲嘶而文電終半途扣留一誤再誤遷延至今令人空拳徒奮悲憤欲死伏望我大總統早定方略俾齡有所遵循披瀝陳詞血與淚俱臨電不勝惶悚待命之至川邊鎮守使陳遐齡叩有印等因謹電代陳伏乞鈞鑒訓示張廣建叩養印

●甘肅省議會稱英使在京會議破壞印藏條約請政府嚴詞拒絕電

大總統國務院參衆兩院外交部鈞鑒准廣東教育會魚電稱此次英使在京會議提出條件異常嚴酷破壞光緒三十二年印藏條約並涉及川邊政務等語閱之不勝惶惑事

關國際應請堅持前約嚴詞拒絕萬勿與之開議國家幸甚甘肅省議會歌印

●●議員金明川在籍患病請續假三星期電

北京衆議院鑒在籍患病現住醫院請續假三星期祈付公決金明川寒

●●議員黃靈雨稱伊叔病篤能否展假電

衆議院鑒電悉近因家叔病篤不忍遠離開會能否展假希電復黃靈雨銑

●●議員黃靈雨請電示開會日期以便來京電

北京衆議院鑒叔病已詳前電遲速來京躊躇莫決開會日期遠近鵠盼電示以便啓行

黃靈雨哥

◎ 議員告假錄 ◎

九年二月六日常會請假議員名單

卞蔭昌	籍忠寅	汪鐵松	耿兆棟	王文芹	邵克莊	曾憲文
高淸和	馮泮春	翁恩裕	金明川	遂長增	趙驥	王汝激
孫恩溥	趙仲仁	李維周	王文璞	柳肇慶	蔣士杰	陸冲鵬
藍公武	洪玉麟	黃家璠	葛夢樸	解樹強	楊潤	夏寅官
顧詠葵	楊毓達	沈仲長	王玉樹	王揖唐	周行原	丁葆光
倪道煌	蔣尙恒	吳山	崔法	黃光昌	包發鸞	程臻
黃文濬	劉思桂	龍晃	李學蓮	黃大壩	蘇藝林	韓梯雲
魏會英	金森	錢豫	沈椿年	黃秉義	黃羣	章獻猷
蔣季哲	姜周輔	黃蔭	邵繼琛	劉以芬	林棟	鄭元楨
陳亮	陳爲銚	邱曾歲	趙儼燁	李寶楚	胡柏年	余德元
鄭萬瞻	何珮瑄	易克臬	張宣	晏才猷	符定一	李慶璋
邵晉蕃	郭光烈	韓純一	周福歧	王之籙	杜惟儉	沙明遠

張棟銘

王 訥

王宗元

安鵬東

于之鳳

曲阜新

陳鴻疇

鄭錫田

何霽峰

原恩瀛

王敬芳

郭 涵

林東郊

陳善槩

張縉瓚

李元晉

裴寶棠

常贊春

李友蓮

高時臻

郭德修

李道在

譚 湛

史作鑑

白建勛

王廷翰

宋 梓

李東萊

鄧述禹

張其密

饒應銘

徐亞屏

柯昌阿

李 芳

賀得霖

程 克

徐世一

卓特巴
札普

王樹枏

永 壽

克
希克圖

羅布桑
車珠爾

史啓藩

呂慶圻

